

تورکیا بویوان ملت مجلسی

بازینک

یوزیکرمی طقوزنجی اجتماع

مندرجات

اوراق وارده :

خیانت وطنیہ مجرمیندن براسمنک عفوی حقندہ کی قانونک مذاکرہ سی

برنجی جلسہ

رئیس : برنجی رئیس وکیلی حسن فہمی بک افندی

کاتب : محمود سعید بک (موش)

۱۷ کانون اول ۳۲۷ جمعہ اترسی ساعت ۲ دن صکرہ

حمدی بکک ایکی آی مآذونیتی قبول ایدنلر لطفآل
قالدیرسون ! (قبول ایدلمشدر) عینتاب مبعوثی علی جنانی
بکک ایکی آی مآذونیتی تنسیب بویورانلر لطفآل قالدیرسون !
(قبول ایدلمشدر)

طونہ لی حلمی بکک آقرہ بلدیہ سنہ دائر داخلہ
وکالتندن سؤال تقریری وار : داخلہ وکالتنہ حوالہ
ایدیوروز ...

قرچکیری ہیئت تحقیقیہ سی عمرانیہ دن زارہ یہ عودت
ایتدکرینہ دائر مجلس عالیکنزہ تلغرافلہ معلومات ویریورلر .
آطنہ نک استردادندن دولای ؛ آنطالیہ دمہ مآذون
اولان آرقداشلر مزله آنطالیہ بلدیہ رئیسک تبریک تلغرافی
وار : تنسیب بویورورسہ کز مقام ریاستدن جواب یازلسون !
ارغنی مبعوثی سری بکلہ رفقاسنٹ پالو قصبہ سنہ کی

رئیس — مجلس کشاد ایدلدی • ضبط سابق خلاصہ سی
او قونہ جق [ضبط سابق خلاصہ سی قرائت اولندی]

سلیمان سری بک (بوزغاد) — افندم ! بندہ کزک
مکتب صنایعک تخلیہ سی حقندہ کی تقریرم علی العادہ
حوالہ دکل ، مجلس عالی مکتبک تخلیہ سنی قبول ایدرک
ایجابنک اجراسی ضمنندہ مدافعہ ملیہ وکالتنہ حوالہ
بویوردی . بناء علیہ ؛ او یولده تصحیح ایدلسون •

رئیس — باشقہ مطالعہ وارمی افندم ؛ ذاتاً مجلس عالی
بویورمامش اولسہ یدی تبلیغ ایتزدی . تبلیغات اولویتلہ
تنسیبہ دلالت ایدر . بشقہ مطالعہ وارمی افندم ؛ (خیر
صدالری) ضبط سابق عیناً قبول اولندی .

بیغامبعوثی حمدی بکلہ ، عینتاب مبعوثی علی جنانی
بکک مآذونیتلرینہ دائر دیوان ریاست قراری وار .

مراد کو پریسنگ تعمیرینہ دائر تقریری وینہ ارغنی مبعوثی
سری بکله رفقاسنک چشکسزک - العزیز طریقک انشاسنہ
دائر ایکی تقریری وار . تقریرل تمی ماہیتندہ در .
(۱۳۳۸) بودجہ سنہ بو یوللر ایچون پاره علاوہ سنہ
دائر نافعہ وکالتنہ تبلیغی تمی ایدیورلر . تنسیب بیورورسہ کز
نافعہ وکالتنہ حوالہ ایدہ ۳۳۸۰ سنہ سنہ بودجہ یہ علاوہ سنی
نظر دقتہ آسونلر !

بدل تقدینک افراد مسلمہ یہ تشمیلنہ دائر تکلیفک
ردینہ متعلق مدافعہ ملیہ انجمنی مضبوطی واردر . عمومی
لیستہ یہ ادخال ایتدک . مناسب بر زمانہ روزنامہ مزہ
آلیرز .

قسطنونی مبعوثی عبدالقادر کالی بکک آتقرہدہ بر
مکیتب حقوق کشادینہ دائر تکلیف قانونیسنی معارف
انجمنی رد قراریلہ چیقارمش . بونی دہ روزنامہ مزہ آہرق ،
مذاکرہ ایدہ جکز .

تدیسات ابتدائہ قانوننک اون بشنجی مادہ سنک
تعدیلی حقندہ کی تکلیفک معارف وکالتنہ کی قومیسین
خصوصہ حوالہ سنی معارف انجمنی تنسیب ایدیور . سزده
تنسیب بیورورسہ کز بونی حوالہ ایدہ ۴۰۰ .

عثمان بک (لازستان) - قومیسینہ حوالہ
ایدیلہ مزہ . معارف وکالتنہ حوالہ ایدیلر . چونکہ : او
قومیسیندن بزم خبرمز یوقدر . معارف وکیلی بیلیر .
رئیس - اقدم ! روزنامہ مذاکرہ کیورز ، خیانت
وطنیہ مجرمیندن بر قسمنک عفونہ دائر لایحہ قانونیہ نک
برنجی مادہ سی برای تعدیل عدلیہ انجمنہ تودیع ایدلشدی ،
انجمن لازمکن تعدیلاتی پاہرق ، ہیئت عمومیہ یہ سوق
ایتمشدر .

بسیم آتالای بک (کوتاہیہ) - رئیس بک ! او کوزلر
اولیور . ضعیف او کوزلرک مجانا کویلولرہ ویرلسنہ دائر
بر تکلیفم واردی . بونی مجلس عالی قبول ایتدیکی حالہ حالا گلدی .
بونلرک خلقہ ویرلسی مطلوب ایسہ کلسون . یوقا کر بونلرک
اولدورلسی مطلوب ایسہ لزومی یوق بن واز کچدم .

رئیس - اقدم ! بسیم آتالای بکک بحث ایتدکلری
مسئلہ روزنامہ مزہ در . فقط اوچ کوندنبری نا تمام قالان

بومسئلہ یی اتمام ایدہ ۴۰۰ . بالآخرہ بونک مذاکرہ سنہ کچہ ۴۰۰
(بو مسئلہ دیگر مسئلہ دن مہمدر صداری)

عدلیہ انجمنیندن کان معدل برنجی مادہ یی او قویورز .
مادہ ۱ - خیانت وطنیہ جرمیندن دولایی استقلال
محکمہ لریلہ محاکم نظامیہ و دیوان حربلر طرفندن اعدامہ
محکوم ایدیلن اشخاصک جزالری مؤبد کورہ کہ و مؤبد
کورک جزالری اون بش سنہ موقت کورہ کہ تحویل و ما عدا سی
عفو ایدلشدردر . حالاً اشبو افعالدن مظنون بولانلر
دخی اوراقتہ نظراً بو عفودن استفادہ ایلہ جکلردر .
آنجیق اجزای وطندن بر قسمنک تفریق ویا اجنبی بر
دولتہ الحاقہ چالیشانلر و جاسوسلق ایدنلر و حالاً ممالک
اجنبیہ و بلاد مشغولہدہ بولانلرلہ اختلاس ورشوت اخذ
ایدلرک ، دولتک قوای مادہ یہ و مغنویہ سنی تنقیص ایتش
اولانلر اشبو عفودن مستنادر .

رئیس - اقدم ! مادہ حقندہ کی عمومی مذاکرہ یی ایکی
دفعہ کافی کوردیکز . تعدیلاتدہ ایکی دفعہ انجمنہ کیتدی . عمومی
مذاکرہ نتیجہ یہ ایرمشدر . انجمنیندن چیقان بوشکل حقندہ آیریجہ
تعدیلنامہ لر وارسہ او تعدیلنامہ لر اطر اقدم مذاکرہ یی آچابیلیرز .
یالکتر بر تعدیلنامہ وار : قرہ حصار شرقی مبعوثی علی
سروری بکله رفقاسنک تقریری در او قونہ حق :

ریاست جلیلیہ

اسباب موجبہ سی شفاہاً عرض ایدلک اوزرہ در دست
مذاکرہ اولان عفو قانوننک شمیدلک قونہ حادثہ زائلہ سنہ حصر
وتقصیری و برنجی مادہ اولہرق زبردہ کی شکاک قبولی تکلیف ایلرز .
مادہ ۱ - قونہ وحوالیسی حادثہ عصیانہ سندن دولایی
استقلال محکمہ لریلہ محاکم عدلیہ و دیوان حربلر جہ محکوم ویا مظنون
اولان اشخاص عفو ایدلشدردر ، آنجیق اعدام و مؤبد کورہ ک
جزالریلہ ورشوت جرم لریلہ محکوم ویا خود فاعل اصلی اولہرق
مظنون اولانلرلہ جاسوسلق ایدنلر و حالاً ممالک اجنبیہ و بلاد مشغولہدہ
بولانلر بو عفودن مستنادر لر . ۲۲ کانون اول ۱۳۳۷

سرحد	بیغا	قرہ حصار شرقی مبعوثی
نوری	حمدی	علی سروری
سرحد	سرحد	سرحد
نجم الدین	محمد قدری	محمد قدری
قرہ حصار صاحب	سرحد	یوزغاد
مصطفی خلوسی	صالح	سلیمان سری
سیواس	نینکدہ	ارزنجان
امیر	حق	توفیق

ایچ ایل	دیار بکر	بور دور
علی	حمدی	علی علوی
توقاد	توقاد	وان
عزت	مصطفی	توفیق
اسکدار	العزيز	کوشخانه
نشأت	فیضی	محمد روشن
بایزید	ملاطیه	ارغنی
شوکت	صدقی	نزهت
باطوم	طربزون	بیفا
احمد عاکف	خسرو	محمد
	درسم	استانبول
	رامض	علی رضا

عدلیه و کیلی رقیق شوکت بک — مساعده بیوروک
شکل معدلی یازم .

یوسف ضیا بک (بتلیس) — شو حالده قانونک
علینده سویلیه بیلیرز . چونکه: عمومی مذاکرات آچپورز
دیگدر .

علی سروری افندی (قره حصار شرقی) — افندم;
معروضاتمه باشلامازدن اول هیئت جلیله دن بالخاصه
استرحام ایده رم . سوزم کسیلمسون ! شایان
تتقید نقطه لر بولندینی حالده سوزمک صوکنده
درمیان بیورسونلر ! هیئت جلیله هر شیده حکمدر .
افندیلر ! معلوم عالیکز دولت عثمانیه نك قانون عمومی
ومدنیسی فقه جلیل اسلامدر . تفصیله حاجت کورهم .
بوفقه جلیل اسلام اوپله فیاض بر منبع حکمت و اوپله بر
مجموعه دستایر جمعیتدرکه : حکومتتمزک هر شعبه اداره
وعدلیه سنه مازلال کال آقیده بیلمک آتخق اونک شانی،
اونک قدرتیدر . فقط ؛ مع الاسف دولتتمزده من القدیلم
وبالخاصه اعصاراخیره ده مقدوح براعتیادک قربانی اولیورز .
نه زمان که : برقانون یایمق احتیاجنی حس ایشم ایسه ک،
آزورپا قانونلرینه مراجعت ایشمز . یاریم یامالاق ترجمه لر
یایمشر و اوقانون جلیلی کورمه مزله که کلشز . افندیلر !
اقامتکاهمزک سقفنه معلق اوپله بر نورابدی به التفات ایتیمه رک،
دیاراجانبه کیده رک، کندیمزه بر شمععه عدالت و دلالت
دیلمشمز ! حالبوکه : نه زمان بوپله یایمش ایسه ک، الیمزه
ایسلی، پاصلی برچیرادن باشقه برشی کچمه مشدر . ایشته؛
ماهیتدن ده زایده بجه لزوم اولیان بوقانون جلیل هر

شعبه اداره کی، بوکون آوروپا قانونندن مترجم ومقتبس
اصول جزائیه من ایچونده برچوق احکام و اساسات
عالیه نی شاملدر . موضوع بحث اولان عفو قانونی و اساسه
رجوع ایدرک، اوقانون عالی نك امر ایتدیکی حکمت و مصلحت
دستورینه ابنا ایدرسه ک طن ایدیورم که : بک دوغرو
حرکت ایش اولورز . مجلس عالیکز بالخاصه بر قاج مهم
قانونده فقه اسلامی رهبر و اساس اتخاد ایدرک بتون عالم
اسلامه قارشی شایان شکران حرکتلر ارئه ایتشدر .
بناء علیه؛ منده کز هیئت جلیله دن رجایدرم که: بوده اونلره
ضمیمه اولسون . افندم ! استرحامی وجدانکزه قارشی
تکرار ایدرم . افندیلر ! اوقانون جلیله بر قاعده واردر .
دیورکه : حدود بر مصلحت راجحه سببیه یاخود
جانیدن بیوک برحسنة صدوری سببیه عفو ایدله بیلر .
ایشته افندیلر ! تتبع اولسون، المنزده کی اصول جزائیه ده
عفو ایچون درمیان اولنان شرطلر ایشته بوایکی دستورک
خارجنده دکلدر . دیمک که : اسلامده عفو ایچون ایکی
شرط وار : بریسی یا اوعضوی ایجاب ایدن بر مصلحت
راجحه بولنه جق، یاخود محکوم؛ جانیدن بیوک بر حسنة
یعنی منفعت عمومیه نقطه نظرندن بیوک بر خدمت صادر
اولمش اوله جق . افندیلر ! بعض رفقایله تکلیف ایتدیگمز
ماده معده: یعنی تعدیل تکلیفی ایکی مقصدی احتوا ایدیور .
بریسی: انجمنک تکلیف ایتدیکی شکل شاملک قبول
ایدله می . ایکنجیسی ده: بو عفو ک شمذیلک قونیه حاده
عصیانیه سنه حصر و تخصیصی .. (کورولتیلر) مساعده
بیوریکز افندیلر ! عفو ک انجمندن کلن تکلیف وجهله
عمومی وشامل شکیله قبولی شو صرده جاژدکلدر . (اوپله
ایسه هیچ قبول ایتیم سسلری) مساعده بیوریکز !
جههده یونان حربی کال شدتله دوام ایدرکن قیرشهر،
یوزغاد وجوارنده حادث اولان و سیاسی شکله اولدیقه
شبه اولیان وقایبه نه چاپوق اونوتدیکنز !
نافذک (جانیک) — اونکده عفو زمانی کلدی .
سروری افندی (قره حصار) — عجبا! اووقایبه تولید
ایدن اسباب واحوال بوکون زائل اولمشی ؟ یاخود او
وقایعک تکرار ایتمسنده کی محذوری بوکون مندفعی

گوریورز؟ اصلاً افندیلر! بالعموم استقلال محکمه لرندن ویریلن حکملری بویله بر عفو قانونیه عفو ایدیورسکزه. فقط؛ ای دوشونلم! استقلال محکمه لری بو کون حال فعالیتده در. دون محکوم اولان . .

امین بک (ارزنجان) — صده هاند دکدر سوزلر کز، تعدیلنامه حقه دهه دکل .

یوسف ضیا بک (بتلیس) — بو تعدیلاتده دکل قانون اساسی به عاند .

رئیس — افندم! انجمن طبیعی جوانی ویره جکدر. علی سروری بک (دوامله) — استقلال محکمه لر نجبه

دون محکوم اولان لری بو کون سز بورادن عفو ایدرسه کز او هیئت لریک محافظه سی همزجه الزم اولان حیثیت معنویه.

لری نصل اولور؟ نفوذ و قدرتلری زرده قالیر؟ بویله عفو عمومی شامل یایمق ایچون اول امرده استقلال

محکمه لرینک فعالیتته ختام ویرمک، اولن لری مجلسه کتیرمک، اولدن صکره بویله بر عفو قانونی چیقارمق لازمدر .

قوچکیری به بر هیئت کوندر دیکز او هیئت تحقیقاتنه دوام ایتمکده در . حالبوکه : انجمنک تکلیفی وجهله، بوماده

قبول ایدیله جک اولورسه او هیئتک اعزامندن مقصود اولان منافع کاملاً فوت ایدلش اولور. نه ایچون بو قدر پاره لری

صرف ایدرک، بش دانه آرقداش کوندر دک؟ دیمک که : بونده بر منفعت مقصوددر .

وهی افندی (قونیه) — تعدیل تقریرینی رایه قوییکز! قبول اولورسه اولور ، اولمازسه اولماز .

سروری افندی (قره حصار) دوامله : — افندیلر! زماننده واقع و محلنه مصروف اولیان ظلم و تجاوزلر جائز

اولدیغی کبی ، ینه زماننده واقع و محلنه مصروف اولیان مایلمتله، عفلورده عکس تأثیر حصوله کتیرر . عفو طوز

کیدر . فضله ویرسه کز زهر اولور . نافذ بک (جانیک) — قونیه یی نه ایچون تخصیص

ایدیورسکز؟ سروری افندی (قره حصار) — کله لم ایکنجی شته :

قونیه به نه ایچون تخصیص ایتدک؟ اول باول شوراسنی عرض ایدیم که : بو عفو قونیه حوالیسنه تخصیصی ایچون

تقریری امضا ایدن آرقداشلرله بر شرط اساسی تصور ایتدک. او شرطده شودر : داخلیه ومدافعه ملیه ویکلرینی

هیئت جلیله کز استماع بویورملی . اکر بویله بر عفو ک قبولی حالنده مملکتک سیاست داخلیه سی اوزرنده یا خود امور

مهمه عسکریه و حریبه اوزرنده سوء تأثیر حاصل ایتیمه جکی تحقق ایدرسه او زمان تکلیفمزی قبول بویوریکز .

(دوغری صدالری) بو شرطمز ، شرط اساسیدر . علی الاطلاق دکدر . قونیه ایچون عفو تکلیفنده نقطه نظر

همزک معلومیدر . قونیه حادثه سنک عقینده حکومتجه پایلان تدابیر وتادیبات ائساننده بعض طاشقنقلارک وقوع

بولدیغی آرتق قابل انکار اولیه جق بز ماهیتده در . اساساً حادثه یی ایقاع ایدن رؤساده جزای سزالرینی بولمشدر .

قونیه حادثه عصیانیه سی افکار عمومی یی او قدر اشغال ایتمشدر که : آرتق او وقعه نک اونودولما مسنده بالوجه

منفعت عمومیه ملحوظ قویدر . معلوم عالیکنر اصول جزائی دهده بر اساس وارددر که : بعض جرائمک اونودولمسندنه منفعت

عامه اولورسه عفو اعلانی لازمکیر . امین بک (ارزنجان) — بشقه یرلرده تدقیقاتکنر

وارمی؟ سروری افندی (دوامله) — برده افندیلر! قونیه

حادثه عصیانیه سنندن دولایی حکم ویرن هیئت لریکیز استقلال محکمه لری دکدر ، دیوان حربلرده وضع ید

ایتمشدر . اولنر ممکن دکل استقلال محکمه سی قدر تعمیق تحقیقات یاپاماز، عدالتی تمامیله تجلی ایتدیره مز . قونیه دن

دیوان حرب قراریله ولایات شرقیه به نفی وتبعید اولنان بوزلرجه کیمسه لریک ایچریسنده عجبا معصوم یوقیدر؟

(اوله بیلیر سسلری) امین بک (ارزنجان) — بیریکنده یوقیدر سروری

بک افندی؟ علی سروری بک (دوامله) — بریکنده اغلب

کورلدی . وذات عالیکنر فکر کزی صکره کرسیده سویلر . سکز . بناء علیه؛ تکرار عرض ایدیورم . بزم تکلیفمز

شمذیلک بر تجربه اولمق اوزره عفو ک یالکیز قونیه حادثه عصیانیه سنه حصری بوده عرض ایتدیکم کبی ، داخلیه ،

مدافعه مليه و كيلرينك استماعي نتيجه سنده منفعت عموميه اعتباريله بر محذور اولمديني تحقق ايدرسه قبولي مركز- نده دره. و الارقاي كرامدن شاعر نزهت بابانك ديديكی كبي انجمندن تكليف اولنان شككده عفو قانونك عفویني تكليف ایدیوروز .

مفيد افندی (قیر شهر) - افندم ! بیلورسكز كه : بو عفو قانونی اول باول تكليف ایدلیکی زمان مجلس عالیكز تکلیفی نظر اعتباره آلهرق، بو بابه کی ماده قانون- بیهك تدقیقی انجمن عدلیه یه تودیع بویوردی . اوراده تنظیم ایدیلن ماده قانونیه هیئت جلیله كزه عرض ایدلدی . و بونك هیئت عمومیه سی حقنده لازمكان مذاكرات بالاجرا مذاكراتك كفايته قرار ویریلهرلك، ماده یه كچلدی . و مجلس عالیجه نظر اعتباره آلتان تقریرلرده انجمنه، كیده رك فاده تعدیل ایدلدی . (اوت سسلری) شمعی شمولی اولهرق، قبول ایدلمش اولان بو عفوك ماده لری اوزرنده کی تعدیلاتك اجراسی ایچونده انجمن عالیكزه ایکی دفعه حواله بیورلدی . صونك حواله ، ماده نك تدیلی حقنده کی تقریرلری انجمن نظر اعتباره آلهرق، بورایه كلسون امرینی حاوی ایدی . قونیه مبعوثلرندن خواجه وهی افندیك تکلیفی نظر دفته آلدی . اعدام جزالینی مؤبد كوره كه، مؤبد كوره ك جزالینی اون بئش سنه یه تحویل صورتیله بو عفوك هر فرد حقنده تشمیلی لازم کلیر . و بونی بویله یاپسكز بیوردیکز . علی سروری بك افندی عفوك نه زمان یاپیله بیله جکی حقنده اسباب موجب اولهرق ، شومقامده كوستردیکی اسبابه بنده كز اشتراك ایده میه جكم . چونكه : عفو حقنده دوغربدن ، دوغری یه محكومك حسناتی اكورملك ، اصلاح نفس ایتدیکی آكلاشلق ، صورتیله عفو ایتك جائزدر . بونك غیری عفو ایتك جائز دكلدر دیدیلر .

علی سروری افندی (قره حصار شرقی) - یالکز اویله دیمدم .

مفيد افندی (دوامله) - بنده كزك آكلایشم بودر . علی سروری افندی (قره حصار شرقی) - ضبطده افادتم موجوددر .

مفيد افندی (دوامله) - فقھك اداره مملكت خصوصنده ، عقویات نقطه سنده نه قدر واضح دلایلری موجود اولدیغنی واکر بو قانونده او احكامدن استناط ایدلسه ایدی مجلس عالیكزك شمعی یه قدر قبول ایتدیکی بر ایکی قانون قدر بونك ده قوتلی اوله جغنی سویلدیلر . كندیلرینه انجمن صورایلیری کی : بو حدودی اجرا ایچون محكمه لرده استماع ایتدكاری شاهدلر تامیله اصول محاكمه یه توفیقاً و شرعه توافق ایدمك درجه ده حدودی اثبات ایدرمی ، ایتزمی ؟

علی سروری افندی (قره حصار شرقی) - ایشته جوابكز : مالایدرك كله لايترك كله .

مفيد افندی (دوامله) - معلوم عالیكز، حدود شهبه و شهادتله خاطره كلن شیلیر دفع ایدیلیر . حاكم بولنان ، آمر بولنان شمعی بوراده در . بزم بو كون بو اوراق ایچریسنده کی استماع ایتدكاری شاهدك اوصافی ، اخلاقی ، سوزلری اعتباريله بونلری حل ایتزمی ؟ بوجهته حكمت اساسی حقنده شرعك تمامها تعریفاتی قبول بیورمیوبده بویله بر حادثه عصیانیه ده ایشك مبدأنده بولنان و حكومتك وضعیتنی بیامیهرك ، علمهمزده یالان ویا كلیش اولهرق ، چیقاریلان فتوالردن دولای بزى عاصی ظن ایدرك قالمش ، بولنان بر خالقك بو كونه قدر چكمش اولدیغنی جزا كافیدر . چونكه : بزم مشروعیتزمی بو كون هر كس طایمشدر . بو كونه قدر یاییلان كافیدر . (آقیشلر) شمعی بنده كز علی سروری بك افندی یه صورارم . بو عفوك یالکز قونیه یه حصری نه دن ایلری کلیور ؟ عجبا ! بو كون مملكت مزده قطعاً عصیان وقایبی اولمامشده یالکز عاصی قونیه اهللیسی ایش کی اونی عفو ایدیوروز ! رجا ایدرم ! بو مسئله ده یالکشلق وارسه قونیه ده یانمشدر ، سیواسده یانمشدر ، یوزغادده یانمشدر ، هر طرف یانمشدر ! افندیلر ! بنده كز انجمن نامه عرض ایدیورم . بو كوندن صوكره ، بو كون آثار فعالیتنی مملكتده اثبات ایدن بو بوك ملت مجلسی حكومتی ، استقلالیتنی قورتارمق دعواسنك نتیجه سنی اله ایتك درجه سنه كلش و بونك مشروعیتنه قانع و قائل اولدقن صوكره بر كیمسه بو حكومتك علیه قیام ایدره

اونی اصالی، کسمه لی. فقط؛ بو کونه قدر اولانلرک عفو ی طرفداری یم. چونکه: مملکتده خلقی بویله یاشاته جغز. بو؛ بویله در. انجمن عالیگزایکنجی تعدیلی یایمشدر. سروری بک برادر مزک بو تکلیف لاری بونکله علاقهدار دکدر. تکلیف لاری عفو ک اساسنی، هیئت عمومیه سنی بوزیور. وهیئت عمومیه سی حقنده سوز سویلمسی دوغری دکدر. بناءً علیه؛ قانونک انجمنک تکلیفی وجهله، قبولنی رجا ایدرم.

علی سروری افندی (قره حسان شرقی) — انجمنک استناد ایتدیکی اصول جزایه نیم سویله دیکم اصولدن خارج وفضله دکدر.

رفیق شوکت بک (عدلیه وکیلی) — افندم! بو عفو قانونی دولایسیله وقوعبولان تکلیفک اساسی او تکلیف اوزرینه جریان ایدن مطالعاتک تخالفی وهر تخالف ایدن مطالعه نک تئیتی ایچون انجمن طرفندن یایلان مضبطه لرک اصولی حقیقه مجلسجه حصوله کلن جریان حقنده سالم و قطعی بر قاعت ویرمدی. عدلیه انجمنک هیئت عمومیه دن آدیغنی صلاحیته استناداً یاتمش اولدیغنی بو عفو قانونی اویله ظن ایدیورم که: بو شمیدیکی مذاکره ایله دردنجه ویا بشتجی استحاله سنی کچیریورز. عدلیه انجمنک ایلك عفو حقنده تکلیف ایتدیکی شی عفو دکل، عفو ایدمک اوزره اوراقک استقلال محکمه لرینه ویرلمسی یولنده کی تکلیفی ایدی رد اولندی. فقط؛ نافذ بکک بر تکلیف قانونیسی اونی تکرار احیا ایتدی. اوندن صکره تنظیم ایدیلن بر ماده قانونیه ده صراحة فرعاً ذیمدخللاره متشبلر قیدی قولدی، بوده کافی کورلمدی. انجمن تکرار بر ماده قانونیه احضار ایتدی. بوندن اول مذاکره ایدیلن ماده قانونیه ده بو؛ رد اوزرینه ایدی. اوردا اولنان قانونک عباره سی ایچریسنده بالخاصه فاعل اصلی عباره سی وار ایدی. فاعل اصلیلری استننا اتمه مک لزوم و قناعتی اظهار ایدیوردی. بو رکاده مجلس عالیگز تایل کوستر مشدر. یالکز. متشبت و فرعاً ذیمدخللره داخل اولمان بعض ذواتک استننا ایدلمسی اندیشه سنه بناءً بو جهتک ای تصریح ایدلمسی ایچون انجمنه اعاده ایدلدی. بو دفعه بو اعاده

اوزرینه یایلان بر ماده قانونیه ده ینه فرعاً ذیمدخللر ینه تحریکات و تشویقاتی فعلاً اشتراک... کلمه سی قوللانلدی. بونک اوزرینه جریان ایدن مذاکره اتمده مضمونلرک نه صورتله استفاده ایده جکی یولنده ایضاحاتم و بو خصوصده قانونک مسکوت قالمه سی یوزندن بر طاقم اختلاطات عدلیه و قوعه کله جکسه دائر مطالعاتم اوزرینه هیئت علیه کز قانونی تکرار انجمنه اعاده ایتدی.

سلیمان سری بک (یوزغاد) — انجمن وظیفه سنک خارجنه چیقدی.

عدلیه وکیلی (دوامله) — انجمن کچن دفعه یکی بر ماده قانونیه قویدی. و بوراده عرض ایتمش اولدیغ بو استحاله لرک ویردیکی و تثبیت ایتدیکی قناعتلر خلافته اوله رق اعدام و مؤبد کورمه محکوملرندن ماعداسنی عفو ایتدی. بنده کز بر مناسبتله سوزایسته دم. دوغریدن، دوغری یه خیانت و وطنیه قانونک تعریفی و روحنی تشکیل ایدن بر قسم ماده لری واردر. برنجی ماده موجبجه بویوک ملت مجلسنک مشروعیتنه عصیان ایدنلر و عصیان ایتدکلری حکماً ثابت اوله رق حکملری بویوک ملت مجلسی طرفندن مصدق اولانلرک تحت حبسه آلدقندن صکره بو کون تکرار کوزومزک قارشیننده کز ملرینی و یاخود فاعل اصلیلرک کافه سنک عقولرینی موجب اسباب حقیقیه هنوز موجود اولمدیغندن دولای بنده کز تکرار کچن اجتماعده سوز آلهرق هیئت علیه کزه رجا ایتشدم. و بو استرحاماته ارقداش لرمزدن حافظ محمد بک ده اشتراک ایتدی. و فاعل اصلیلر قیدینک ابقاسنی تکلیف ایتدی. و حافظ محمد بکک بو کادراً اولان تکلیفی نظر دفته آلدی. و انجمنه کوندرلدی. عدلیه انجمنی کندیلرینه تودیع ایدلدیکی تحظر ایتدیکم و یاخود ظن ایتدیکم بش اون تقریردن ایچی تقریری نظر دفته آلمشدر. بریسی: قونیه مبعوثی عمر و هپی افندی حضرتلرینک جزانک ماهیتک تبدیلی متضمن اولان تقریری، دیکری ده: انطالیه مبعوثی راسخ افندینک تقریریدر. حالوکه: بنده کزک بیلدیکم حافظ محمد بکک تقریری نظر دفته آلهرق انجمنه سوق ایدلمشدر. و بنده کز اونک غایت اساسلی بر نقطه اولدیغنی قناعتده یم. اونک ایچون

عدليه انجمنی کنديسنه توديع ايديلن بو تقريرلردن ايکي دانه سنک نه سببه بنی نظر دفته آلدیغنی و دیگر لرینک ده نه ایچون رد اولندیغنی اسباب موجه سیله بیلدیرمسی یالکر سابقده اصرار و یاییکی وضعیت قارشیسنده وضعیت آلماسی لازمدر. اونک ایچون اقدم! بنده کز تکرار ایدیورم. خیانت وطنیه جرمنده فاعل اصلی اولانلرک وباشنه طوبلادقلری آدملری اغفال و اضلال ایدنلرک عقولری قانونک ایجابات خصوصیه سنی تشکیل ایدن اساساتنه موافق اولدیغنی عرض ایدرم. (موافق، موافق سسلری) اقدم! اوندن ماعدا سروری اقدینک مطالعاتی ظن ایدرم، شمدی یه قدر موضوع بحث ایتدیگمز و تطبیق ایتدیگمز نظامنامه یه توفیقاً آنجق انجمنک مطالعه سی اوزرنده، یکیدن جریان ایده جک مذاکره یی معدل برشکلده، مذاکره اولنه بیلیر. بنده کز فاعل اصلی تعبیرینک قونیلماسی صورتیله فرعاً ذیمدخل و سائرکونه اسباب دولایسیله کندیلرنده اسباب محفزه بولانلر عفو ایدلملی! هیئت عمومیه نک قناعتنه اتباعاً سویله یورم که: ایدیه جکسه اولر عفو ایدلملی و برده: بوصولته یاییه جق فعلمزده قطعیت اجرا آته مالک اولدیغمزی کوسترملی یز. و بوکون محکوم ایتدیگمز یارین عفو اولنه جق کبی بر فکر میدانه چیقمه سون! وار تکاب جرم اتمش اولانلرک قفاسنی کسملی یز! بنده کز او فاجق بر مثاله عرض ایده جکم: کچن کون بوراده الهمهم عامل اولمق اوزره اوراقی کچن و بر جوق کیمسه لر طرفندن حقیقه فاعلیتی طانیلان راغب و یا بر طاقم امثالک استیناس پیدا ایتدکاری بر طاقم جنایتدن عفو ایله و سائر ایله بونلرک قطعاً متنبه اولیه جنی قناعتندیم.

نافذ بک (جانیک) — اونوی مجلس یاپدی اقدم.

عدليه وکیلی رفیق شوکت بک (صاروخان) — (دوامله): مساعده بیوریکز اقدم! مجلسک قراری قانونک اشکال معینه سی داخلنده رایه وضعندن صکره تطبیق اولنه بیلیر. شمدی مذاکره ایدیلن بر قانونک له وعلینده مذاکره ایتک حقیقی تبدیل ایتمکه...

یوسف ضیابک (بتلیس) — اونک اوزرینه مذاکره اولیور.

عدليه وکیلی رفیق شوکت بک (دوامله) — اونک ایچون یوسف ضیا بکه سویلیورم. بوراده کی بوتون مطالعات مجلسک قزارینه مخالفدر.

امین بک (ارزنجان) — هیچ دکل ..

عدليه وکیلی رفیق شوکت بک — مساعده بیوریکز اقدم! عدليه انجمنی بونقظه یی نظر اعتباره آمامشدر.

یوسف ضیا بک (بتلیس) — رئیس بک! سویله نیلن سوزلر هپ قانونک علینده در.

رئیس — عدليه انجمنی هیئت جلیله نک نظر دفته آلدیغنی تقريرلردن قاچ دانه سنی تدقیق ایتمشدر. شمدی برر، برر صره سی کلیر. یالکز بو تقريرلر اوزرنده مذاکره یاپه جغز.

یوسف ضیا بک (بتلیس) — عدليه وکیلی بک قانونک علینده سوز سویلیور. شمدی موضوع بحث اولان علی سروری بکک تعدیلنامه سیدر.

امین بک (ارزنجان) — فقط، سویله نیلن تکمیل قانونک علینده در.

عدليه وکیلی رفیق شوکت بک — خایر بکم بنده کز تکرار ایدیم: اقدم! هیئت عمومیه نک تعقیب ایتدیکی صفحاتی عرض ایده جکم. ماده « فرعاً ذیمدخل اولانلرک » قیدینک صریح و واضح اولماسندن دولایي اعاده ایدلمشدی. شمدی هر انجمنه کیتدیگه استحالیه اوغرایان بوقانون ماهیتی ذب ایدیور. اونوی عرض ایدیورم. بوماده نک مذاکره سنه کچیلدیکی وقتده بعض تعییرات قانونیه وارددر. یرینده قوللانیلمامشدر.

رئیس — اقدم! قره حصار مبعوثی علی سروری بک تعدیلنامه سنی ایضاح ایتدی. مذاکرات نظر دفته آلانلره مقصورددر. مذاکره صیره سی کلدیکی وقتده عرض ایدرم. علی سروری بکک تعدیلنامه سنی نظر دفته آلانلر لطفاً آل قالدیرسون! (نظر دفته آلمادی)

مقید اقدنی (قیرشهر) — رئیس بک اقدنی! تقريرلر حقدنه سوز سویله جکم.

رئیس — اقدم! اوچ تقرير وار اقدم! آرمساعده بیورک! حتی درت تقرير وار. بر تقريرده داخلیه، مدافعه

و کيله میاننده بولمق اعتباريله هیئت و کيله نامته می سوبلیدیلر؟
رفیق شوکت بك (صاروخان) — عدلیه و کیلی
صفتیه سوبله یورم .

مفید افندی (دوامله) — خیانت وطنیه قانوتی
مجلس عالیکنز تنظیم و تصدیق و قبول ایتدیکنز دقیقهده
اونک آلتیه بر ماده یازدیکنز و او مادهده دیدیکنز که : (بو
قانوتک اجراسنه بویوک ملت مجلسی مأموردر .) عدلیه
و کیلی ، داخیه و کیلی ، مالیه و کیلی کبی اونلره ویرمد-
یکنز . دوغریدن ، دوغری به بوقانوتک اجراسنی کندیکنز
آلیدیکنز .

هاشم بك (چوروم) — تمیددا حکامندن دولای ایدی .
مفید افندی (دوامله) — شمدی مملکت نقطه
نظرندن ، محاکمه نقطه نظرندن محاکم عمومیده محکومی
اجرا قلدان شیرده . . .

عدلیه و کیلنک بوراده سوز سولیکه حقی
واردر . بنسدنک اونیده قبول ایدرم . یالکنز
بو قانوتک بزى تعديل انجمنه ایکی دفعه اعاده سنده
اولکی تعديل ايله بدایتده قانوتک علیهنده سوبله مش
اولدینی سوزلردن نکول ایتدیکنی و بو کون اوچنجی
مذاکرده و برکون ایچر و سنده او نقطه به کلدیکنی سوبله حکم .
تعذیلی ایچون کوندریان اوچ تقریر واردر . بریسی
حافظ محمد بکک ، بریسی : راسخ افندینک ، بریسی ده :
عمروهبی افندینک تقریریدر . حافظ محمد بکک تقریری
فاعلی اصلیلری عفو ایتهمک یالکنز ؛ فرعاً ذی مدخلی
اولانلرک عفو اولونمی خصوصی احتوا ایدیور .
حالبوکه : اساس تکلیف خیانت وطنیه جرمندن محکوم
اولانلرک فاعل اصایدن ماعداسنک عفو ایدی . حافظ
محمد بکک بو تکلیفی انجمن دوشوندی . عمر وهبی
افندی طرفندن ویربان تقریری مجلس عالیکنز قبول
ایتدی ونظر اعتباره آلهرق بزه کوندردی . یعنی فاعل
اصلیلر که : مؤبد کوره کی موجب اولور . بونلرک جزاسنک
تبدیلی صورتیه عفو تقریر ایتدی . عفو اونلرده
تشمیل ایتدی . شمدی فاعل اصلی گلهمی ، آرتق
بو ماده قانونیه کیره جک یر بوله مدی . بولاماخیه

ملیه و کیلیرینک حضوريله . بردانه سنی ده هیئت و کيله نک
حضوريله مذاکره اجراسنی متضمندر . فقط ؛ معلوم
عالیکنز ، هیئت و کيله برچوق ایشلرله مشغولدر .
سایمان سرى بك (یوزغاد) — هیئت و کيله بولمته سزین
مذاکره ایديله مز .

أمین بك (ارزنجان) — هیئت و کيله نامنه عدلیه
و کیلی بوراده در .
رئیس — افندیلر ! رجا ایدرم ؛ مساعده بیوریکنز
افندم . .

سایمان سرى بك (یوزغاد) — مدافعه ملیه و کالتنه
حواله اولنسنی تکلیف ایدرم .

رئیس — رجا ایدرم افندیلر ! هیچ اولمازسه
ویربان تقریرلردن هیئت جایله کنزی خبردار ایتک و مذا-
کره بی تلخیص ایتک ایچون باری بردفنده ده مقام
ریاستک سوبله چکی سوزک نهایتنه قدر صبر ایتمکنزی رجا
ایدرم . یوقسه ایچندن چیقلماز . معلوم عالیکنز قانوتک
هیئت عمومیسنی مذاکره ایدرکن داخیه و کیلی ، عدلیه
و کیلی بك افندیلر موجود ایدیور . و مذاکره کونلرجهده
دوام ایتدی . هیئت عمومیسنی ده قبول ایتدیکنز ؛ ماده به
کچدیکنز و ماده حقتده ایکی ، اوچ دفعه مذاکره آچدیکنز
و هرکون روزنامه مذاکراتکنز هیئت و کيله به کیدیور .
هیئت و کيله آرزو ایدرلر سه سوز سویلرلر . باشقه برشیه
ده مقید دکلدرلر . (کورولتور ، مقیددر سسلری)
علی سروری افندی (قره حصار شرقی) — عدلیه
و کیلی بونک علیهنده بولنیور ، احتمالکه : هیئت و کيله ده
بولنه جق . . .

رئیس — افندم ! تعذیلات شکله عاندر . هیئت
عمومیسنه عان دکلدر . شمدی افندم دیگر تعذیلنامه لره
کچیلمه سنده اصرار ایدیورلر . هیئت و کيله حضوريله
قانوتک مذاکره سنی قبول ایدنلر لطفاً آل قالدیرسون !
(هیئت و کيله حضوريله مذاکره سنی قبول ایدلدی) .

مفید افندی (قیرشهر) — افندم ! رفیق شوکت بك
برادرمز بو مذاکره اولنان قانوتک تاریخچه سنی یاپارکن
بو مسئله حقتده شخصاً می سوز سوبله دیلر ؛ یوقسه هیئت

بولمايچه انجمنمزم، فاعل اصلي اولوبده جزاسی مؤبد کوره کی
 مستلزم اولان افعالدن دولایي محکوم اولانلرک جزاسی
 شو صورتله تحفیف و تعدیل ایدیور . دیگرلری ایسه:
 اساساً اوچ سنه ، بش سنه یه محکوم اولمشلردر . چونکه:
 معین بر شی یوقدر . بوندن دولایي حافظ محمد بکک
 تشمیلمانی نظر اعتباره آدیغمز ایچون تعارض تشکیل
 ایدن فاعل اصل تقریری قانونه درج ایده مدک . راسخ
 افندیك تقریرنده نظرندن آنمی لازمکن روحی آدق،
 قویدق، دوشوندک دیدک که : مثلاً خیانت وطنیه قانونیه
 محاسبه سی ایجاب ایدن بر طاقم موقوفلر وار ، بر طاقم
 مأمورلر وار بونلر رشوت آلمش ، اختلاس ایتیش قوای
 مادیه و معنویه دولتک عسکری و ملکی قسملری تنقیصه
 اوغراشمش ، ارتشاورشوته سبیت ویرمش ، بوندن دولایي
 محکوم ایدلمش . حقیقه ؛ بونلرک عفوندن بر فائده یوقدر .
 مضرت واردر . او تقریرده نظر اعتباره آلهرق بونیده
 دیگر استئنالر میانه ادخال ایتدک . عمر وهی افندیك
 تکلیفنده کی عفوک ، فاعل اصلیلره تشمیلمده نظر دفته
 آلهرق بو شکلی انجمنکمز وجوده کتیردی . و اساس
 اعتباریلده ذاتا فاعل اصلیلرک عفوایدلمه سی دائماً انجمنک
 نقطه نظری اولدیغی مناسبتله ینه هیئت جلیله کزه کتیردی .
 تقریرلردن هیچ بریسی قطعاً نظریمزدن قاجادی ،
 او قورسکنز مسئله نه نهایت ویرر ، بی تیرسکنز .
 رئیس — افندم! ایکی تقریر قالمشدر . راسخ افندی
 ایله حافظ محمد بکک (تقریر صاحب لرینه خطاباً)
 تقریر کزده مصر میسکنز ؟
 راسخ افندی (انطالیه) — اوت مصرم .
 رئیس — انجمن نظر دفته آلمش .
 ریاست جلیله یه
 برنجی ماده ده کی اعدام و مؤبد کوره ک تعبیرلرینک طی ایله

بونک برینه فاعل اصلي تعبیرینک وضعی تکلیف ایلرم .

طر بزون
 حافظ محمد

حافظ محمد بک (طر بزون) — افندم! معلوم عالیکنز
 بنده کز عفوک لهنده ایم . و اولادّه : بونقطه نظری هیئت
 علیه کزه عرض ایتدم . فقط ؛ عفوده نقطه نظریمزیالکنز
 عصیان یعنی : بیوک ملت مجلسی حکومتنه قارشی عصیان
 افعالنه معطوف ایدی . و مطلوبده بودر . بوکون هیئت
 عمومیه نك برنجی شکل اوزرینه قبول ایتدیکی تقریرلردن
 صکره انجمنک قبول ایتدیکی شکل ایله مقصود اصلي
 فوت اولمشدر . . ناصل بونی عرض ایده ایم : افندم!
 بر کره عفودن مقصدیمز عفو عمومی ایدی . حادثه
 عصیانیه قارشی عفو عمومی ایدی . حالبوکه : قانون
 شکل حاضرله عفو خصوصی ماهیتنه کبربور . (خایر ، خایر
 سسلری) موضوعات قانونیه حقدنه کی مطالبه هیئت
 عمومیه حکمدر . افندم! عفو عمومی حقدنه حکومتک
 بلکه قرق سنه دنبری ، بلکه ده الی سنه دنبری مختلف
 وقایع حقدنه نشر ایتدیکی عفو عمومی قانونلری آلوب
 تدقیق ایدرسه ک هیچ بریسنده جزادن بحث ایله و یا خود
 جزادن هیچ بریسنی استئنا صورتیه عفو اعلانی واقع
 دکلدر . بوقانونک مفهوم مخالفی آدیغمز کی شوچیقار:
 اون بش سنه وداها نقصان جزایه محکوم اولانلر عفو
 ایدلمشدر . عفو عمومی اولورسه جرم افعال مباحه دن عد
 اولمشدر . اونک ایچون عفو اولیور دیمکدر . بو جرم ،
 جرم دکلدر ، بناء علیه ؛ او آدملر آرتق جرم ایقاع ایتمه مشدر
 دیمک . فقط جزایی عفو ایدرسه ک دیمک که : او آدملرک
 افعالی جرمدر . فقط ؛ حکومت بر غایت اولهرق ، اولرک
 جزالری قالدیر مشدر .
 رئیس — افندم! تنسیب بیوریرسه کز اون دقیقه
 تنقیس ایده لم .

ایکنجی جلسه

رئیس : برنجی رئیس وکیلی حسن فهمی بک افندی
 کاتب : محمود سعید بک (موش)
 ۱۷ کانون اول - ۳۳۷ - جمعه ایرتسی - ۳، ۱۰ - ساعت صکره

رئیس — جلسه کشاد ایدلدی .
 حافظ محمد بک (طر بزون) — افندم! کچن جلسه لرده ده | عرض ایتدیکم کی بوخیانت وطنیه قانونک مجمل یازلسی
 استقلال محکمه لرینک بر چوق دعاوی نی کنندی حوزه

صلاحیتلری داخله اداخل ایله رؤیت ایتیش بولمسینی موجب اولمشدر . حقیقه انجمنک و مجلس عالینک نقطه نظرینه بتمامها موافق یعنی : اعیارینی مانع بر قانون یازمق مشکلیدر . صکره : شمدی رفقادن حسین عونئی بک افندیکنک بیساناندن آکلادیغمه کوره ، بعض عصیانلر بو قانونک نشردنن مقدم وقوعه گلشدر . بناء عایه ؛ عفوی یالکنز حادثه عصیانیه حصر و تخصیص ایتیموب بونی یایمق بر وجیه اولدی . فقط ؛ انجمنده آرا مزده کی نقطه اختلاف شودر : بنده کز دییورم که : دمینده عرض ایتدیکم کی بوعفوی عفو خصوصی دکل ، عفو عمومی یاهلم . بز بر قانونه اسم ویرمکله اونک ماهیت حقوقیه سنی تعیین ایدمه میز . قانونک ماهیت حقوقیه سنی ، اونک احتوا ایتدیکی احکام تعیین ایدر . شو حالده بو قانونک احتوا ایتدیکی احکام اون بش سنه واوندن دون محکوم اولانلری عفودن عبارت اولدیغنه کوره . بونک ماهیت حقوقیه سنی ، نتیجه حقوقیه سی بر عفو خصوصیدر . چونکه : نوع جرمی تعیین ایله عفو یاپیورز . صکره اعدام حکملرندن بحث ایدیلور . . معلوم عالیکنز اعدام حکملری اجرا ایدلمشدر . بو کون اعدامه محکوم اولوبده اعداملری اجرا ایدلمه ینلرک حقلمنده کی اعدام حکملرینک بورادن تصدیقی شرطدر . حالبوکه : اساس اعتباریله بورانک تصدیقنه اقران ایتکم سزین او حکم اکتساب قطعیت ایدمه مز . وقضیه محکمه حالی آلاز که : اونک عفودن بحث ایدلم . چونکه : یارین او حکمی رفع ایتک اجباب ایدر . شو حالده اعداملرک عفونی تعیرینک بوراده هیچ بر معناسی یوقدر . صکره دینیور که : « مؤبد کوره کلر اون بش سنه یه . . » بکلر چوقر جا ایدرم مؤبد کوره کله اون بش سنه کوره ک مسئله سی اسباب مشدده مسئله سیدر . مثلا : عینی عصیان ایچنده بولونان بر قاچ آدمدن بریسنک مقدا بر جرم ارتکاب ایتیش اولسی ، بین الناس فنا طانمش بولومسی محکمه چه اسباب مشدده عد اولونه رق رفقاسی اون بش سنه یه محکوم ایکن بو مؤبداً محکوم ایدیلیر . حکم اکثر احوالده بو شکه کیره بیلیر و چوقدر . شمدی رجا ایدرم بر آدمک و قبیله بر جرم ایقاع ایتیش اولسی و یا خود خلق

آره سنده فنا بر نظرله کورولسی ؛ صرف بومسئله بو آدمک اون بش سنه یاتمنه سبب اوله جقدر . وحقی بلکه ده : اومسئله دن دولایی ، او جرمدن دولایی ایکی سنه ، بر سنه ایله محکومیتدن قورتیله جق ایکن اون بش سنه یاتمنه سببیت ویریورز ، رفقاسنک فعلنی ایسه عفو ایدیورز . مفید افندی (قیر شهر) — آکلایه مادق •

حافظ محمد بک (طر بزون) — عرض ایدمه یافندم ! یعنی : افعال سابقه و یاسوء اخلاق صاحبی بر آدمک بو فعالی اسباب مشدده عد ایدیلرک رفقاسی اون بش سنه یه محکوم ایکن بو آدم حقنده شدت تطبیق اولونور ، مؤبد کوره که محکوم ایدیلیر . محکمه لرک بو یولده کی حکملری بک چوقدر . (مؤبد کوره ک یوقدر سسلری) ویریلیر افندم ویریلیر . او حالده ؛ بو عفو قانوننده بو تعبیری قویمق عیشر . صکره افندم دنیایور که : استقلال محکمه لرنجه محکوم ایدیلنلردن مملکتک منافع مادیه و معنویه سنک ، دولتک قوای مادیه و معنویه سنک اخلاقی مؤدی اولمیان افعالی ارتکاب ایتیش اولانلر دخی عفو ایدلمشدر .

مفید افندی (قیر شهر) — یا کلش پاشام یا کلش • حافظ محمد بک (طر بزون) — وارد افندم ! او تعبیر واردر . . . بوراده انجمن رشوت و اختلاس فعللرندن قاچینیور . حالبوکه : استقلال محکمه لرینک حکملرینی دخی عفو ایتسکه انجمنک وهیئت عمومیه نک عفودن مقصود اولان نقطه نظرلری دکیشیور . یعنی : عفو بر کره جرم اعتباریله ، برده محکمه اعتباریله واقع اولیور . بر کره بز استقلال محکمه لرینک ویردکلری حکملری عفو ایتسکه ، ظن ایدیورم که : استقلال محکمه لرینک غیر عادلانه ویردکلری حکملری دخی قبول و تصدیق ایتیش اوله جغز . (خایر سسلری) رجا ایدرم ، استقلال محکمه لرینک رؤیت ایتدکلری جرمله ایچریسنده جرائم عادیه ده واردر . عادی بر جرم ارتکاب ایتیش بر آدم مثلا : بر سنه یه محکوم اوله جق رده استقلال محکمه سنجه بش سنه یه محکوم ایدلمشدر . شمدی بو آدم استقلال محکمه سندن محکوم ایدلمش اولدینی ایچون عفو ایدیلرک . حالبوکه :

دولت و ملتک قزای مادیه و معنویه سنی تنقیص ایدنلری ده عفو ایدیور . بوندن ده ارتکاب و ارتشایی قصد ایدیور بویوردیلر . حالبوکه ارتکاب و ارتشا جرمندن دولایی محکوم اولمش اولانلری ، مثلاً : کیمنی عسکردن قاچیرمش ، کیمنی تکالیف ملیه دن قورتارمش و فقط ارتکاب و ارتشا ایش و وظیفه سنی سوء استعمال ایله مش اولانلری عفو ایتوروز . قانونده صراحت واردر .

(صراحت وار . . صدرلی)

رئیس — افندم ؟ مسئله توضح ایتدی . حافظ محمد بکک تعدیلنامه سنی بردها اوقیوروز .

ریاست جلیله

برنجی ماده ده فی اعدام و مؤبد کوره ک تعبیرلرینک طبی ایله بونک برینه فاعل اصلی تعبیرینک وضعی تکلیف ایلرم .

طربزون
حافظ محمد

رئیس — بو تعدیلنامه بی نظر دقته آلانلر لطفاً آل قالدیرسون ! (نظر دقته آلتادی) افندم نظر دقته آلنان تعدیلنامه لره مذا کوره سی ختامه ایردی . یالکن شمدی بر تعدیلنامه آلم . فقط بو تعدیلنامه نک مندرجاتی انجمنک تکلیف ایتدیکی ماده ده داخلدر . مع مافیله بر دفعه اوقونسون !

ریاست جلیله

برنجی ماده نک صوکه فقره سننده « اشبو قانونک نشری تاریخنده » کله سنندن صوکه بر « فرعا » کله سنک علاوه سیله مذکور فقره نک « اشبو قانونک نشری تاریخنده فرعا مغلون بولنانلر اوراقته نظر آ بو عفودن استفاده لری آ کلاشدقده درجال تخلیه اولورلر » شکننده تعدیلنی تکلیف ایلرز . ۱۷ کانون اول ۳۳۷

یوزغاد	کننج	سیوه رک	سبواس
سری	جلال	لطنی	امیر

رئیس — برنجی ماده دیمش . حالبوکه : برنجی ماده ده اویله برشی یوق . هر حالده ایکنجی ماده اوله جق . . .

— ارزنجان مبعوثی عثمان فوزی افندینک ده بر تعدیلنامه سی وار . عفوک مطلق دکل ، مقید اولسنی تکلیف ایدیورلر . ذاتاً انجمن ماده سی ده بو مقصدی تأمین ایدیور .

عثمان فوزی افندی (ارزنجان) — رئیس بک افندی تقریریمی کیری آلیورم .

مقدمادیکر بر محکمه ده محاکمه ایدلمش اولسه یدی بر سنه یه محکوم اوله جتدی . شمدی اوندن دخی قورتولمش اوله جقدر . بناءً علیه بنده کزجه بوشکلده چیقاجق ، بر عفو قانونندن هیچ بر فائده یوقدر . و مجلسک ، هیئت عمومیه نک نقطه نظرینی قطعاً احتوا ایتز . بو بو شکلده دوغری دکلدر . عموم بویوک ملت مجلسی حکومته قارشى عصیان ایدنلر عفو ایدلمشدر . مرتب ، فاعل اصللر بو عفودن استثنا ایدلر . بو تعیری قویارز ، یعنی یالکنز حکومته عصیان ایدنلری قبول ایدرز و ذاتاً مقصد مزده بو آدم لره شعور یوقدر . شعور سزلق اولره بو عصیانی یاپدیرتمشدر . بناءً علیه ؛ بونلری عفو ایله جکیز . ایشته یاپه جغمز قانون بو شکلده اولمالیدر .

مفید افندی (قیرشهر) — انجمن نامنه حافظ محمد بکه جواب ویره جکم . افندم ! حافظ محمد بک برادر من خیانت وطنیه جرمندن دولایی محکوم اولانلردن ، یالکنز عصیان جرمنه اشتراک ایدنلرک عفوینی قبول ایدیور . عصیانک غیری بویوک ملت مجلسنه سوکمش دیه اون سنه یه محکوم اولمش آدم لره ، تکالیف ملیه دن دولایی ، محکوم اولانلر قالسین دیمک ایستیمور . بر فراری بی بیلمه دن اوندن صاقلادیغندن دولایی ، بر مختارک ویا قرداشنک هر حالده اون سنه یه محکومیتی قالسون دیور . بز مجلس هالینک نقطه نظر نی شویله آکلادق ، که : اعدام و مؤبد کوره ک جزاسنی مستلزم جرمدن ما عدا خیانت وطنیه جرمله محکوم اولان نه قدر آدم وارسه عفو اولونسون ! ایشته بز بو نقطه نظره کوره یاپدق . اگر بویله دکله یاپماییکیز . عکسی تقدیرده انجمن فکر نده اصرار ایدیور (رأیه صدرلی)

رئیس — صاحب تعدیلنامه ایضاحات ویردی . انجمن ده جواب اعطا ایتدی .

رفیق شوکت بک (عدلیه وکیلی) — حافظ محمد بک ویردیکی ایضاحاتده انجمنک استقلال محکمه لرینجه اختلاس و رشوتدن دولایی محکوم اولانلرک عفو ایله جکلر نی نظر دقته آلدیغنی سوبلیدی . انجمن بوکا دائر ایضاحات ویرسون !

مفید افندی (قیرشهر) — افندم ! حافظ محمد بک انجمن ،

مفيد افندی (قیر شهر) — تعدیل نامه سنی کیری آلیور.
 رئیس — پی! برنجی ماده بی بردها او قوتیورم.
 ورایکزه عرض ایدہ حکم. تکرار او قوندی اقدام؛
 رایکزه وضع ایدیورم. (رایہ صدالری) (قبول سسلری)
 برنجی ماده بی انجمنک صوک شکل معدلی وجهله قبولی
 تنسیب بیورانلر لطفاً لقالدیرسون! (فرعاً کله سی علاوه
 ایدیلسون صدالری) (نرومسز، رد صدالری) قبول ایدلمشدر.
 ایکنجی ماده او قونه جقدر.

ماده ۲ — حقلارنده، شمدی به قدر خیانت وطنیه
 جرمندن دولای تحقیقات و تعقیبات قانونیه اجراسنه
 مباشرت ایدلامش اولانلر علیهنده آرتق تعقیبات قانونیه
 اجرا ایدیله من.
 رئیس — افندیلر! نافذ بک انجمن نامنه ایضاحات
 ویره جکلر، بیورک، نافذ بک!

نافذ بک (جانیک) — معلوم عالیکز، بیوکملت
 مجلسنک مشروعیتنه واقع اولان عصیانلر بوندن ایچه
 زمان اول واقع اولمشدر. از جمله، بونلر ایچریسنده اهمیت
 مخصوصی حائر بولنان یوزغاد، دوزجه، بولی، قونیه
 عصیانلری اوززینیه برسنیه متجاوز زمان کچمشدر. بویله
 اولدینی حالده، اومناطقده بعض فساد و وقوعولمش وبالاخره
 حکومت طرفندن وقوعولان تشکیل دولایسیله، باصدیرلمش
 اولان عصیانلری کندی طبیعت فسادکارانه لرینه آلت
 سیات اتخا ایدنلرک نتیجه افعالی اوله رق، برچوق معصوم
 کیمسه لر حبس خانه لرده ویاخود نچه قانونده سور وکلنمکده در.
 کرچه عدالت ایر، کچ تظاہر ایدہ جکی مناسبتیله، بوقیل
 کیمسه لر احقاق حق ایدرک، تخلیه ایدلمکده ایسه لرده
 بونلر تحقیقاتک نتیجه سنه قدر ویاخود محاکماتک نتیجه سنه
 قدر مغدور اولمقده درلر. بوندن دولای مملکتده بردرلو
 صمیمیت تأمین و تأسیس ده ایدیله مه مشدر. حکومت
 آسایشمنلک و عصیان ایله مشغولدر. مثلاً حالاً قونیه ده
 برچوق کیمسه لر، قونیه عصیاننده، فلان ده عامل ایدی؛
 فلان آدم ده آئنده بر سلاح کوتورمش ایدی؛ ویاخود
 فلان آدم ده فلان آدمه برشی سویلشدی دیه اخبارتده
 بولونمقده درلر. بو اخبارات نتیجه سنده بالطبع محاکمه

و حکومت تعقیبات قانونیه اجراسنه مجبوردر. تنظیم
 بو یوردیغکز قانون موجبجه، خیانت وطنیه دن دولای،
 بونلر حقلنده تعقیبات اجرا ایدیلور، توقیف اجرا ایدیلور.
 بناء علیله بوصورتله یعنی ایکی سنه صکره واقع اخبارات
 دولایسیله برکیمسه در حال ایچرویه آتیلر. و نتیجه ده
 برات ایدر. فقط خلقک حکومته امنیتی بردرلو تأسیس
 ایدیله مامشدر. مادامکه: هیئت جلیله لر تاریخک اسکی
 صحائفی قیامتق آرزو سننده در. بناء علیله؛ حکومت
 شمدی به قدر حقلنده اخبارات واقع اولمان و حقلنده
 حکومتک هیچ برشباتجه اک اوافق بر تحقیقاته ایدار
 ایدلین کیمسه لر حقلنده، بعدما بوکبی واقع اوله جق
 اخباراتی قبول ایتیمه جک واونلر حقلنده تعقیبات اجرا
 ایتیمه جک، ایکنجی ماده نک روحی بودر، اقدام! شمدی
 اقدام! ماده غایت صریحدر. معلوم عالیلری، ماده ده
 دینیلورکه: حقلارنده تحقیقات و تعقیبات اجرا ایدلیمش اولانلر
 معلوم عالیکز، تعقیبات، اوراق مدعی عمومی به کیتدکن
 صکره باشلار؛ یعنی مدعی عمومی بردائر رسمیه ده اوشخص
 حقلنده اقامه دعوا ایدر واوندن صکره مستنطق تحقیقاته
 باشلار و بوشکل تحقیقات و تعقیبات ماهیتنی اکتساب ایدر. برده
 تحقیقات واردر، که: قانونده تعقیباتدن اول باشلار، که:
 او تحقیقات علی الاطلاق زاندارمه نک، پولیسک اجرا ایتدیکی
 تحقیقاتدر. یعنی تعقیباتدن اول یایلان تحقیقاتدر. هیئت
 یعنی عدلیه انجمنی کله نک مناسنی دها واسع برحاله
 قویق ایچون، تحقیقات کله سنی تعقیبات کله سندن مقدم
 قوممشدر. یعنی هیچ اخبار واقع اولمان دیمکدر.
 چونکه: اخبار واقع اولدینی دقیقه دن اعتباراً، هر هانکی
 برضابطه عدلیه، اوافق تفک تحقیقاته توسل ایدہ جکدر.
 دیمک که: استقلال محاکمی ده مسئله به وضع یدایتمه مشدر.
 یعنی تعقیباتک ایچریسنده در. بناء علیله، او آدم حکومت
 نظرده مظنون دکلدر. حکومت نظرده مظنون اولمانلر،
 عقوایدلمشدر. (کورولتیلر) افندیلر! بونکله، حکومت
 نظرده بگونه قدر، مظنون اولمان کیمسه لر مراد
 ایدلمشدر. مظنون اولان کیمسه لر قطعاً انجمنک نظرندن
 کچمه مشدر. بو خصوص ماده نک مفهومندن ده استدلال

ایدیلکده دره بنا علیه؛ لطفاً معنایا کیش آکلاشلمه سون!
 قانونک روحنی تشکیل ایدر . بوقانون بعدما خلقک
 امنیتی، خلقک حکومته ایصنمه سنی تأمین ایده جیک
 بر قانوندر . و مملکتده فسادک اوکئی آلق ایچون بر چاره
 یکنه در . بوماده قانونیه هیچ کیمسه ایچون ذره قدر
 مضرت تولید ایتیه جکدر . بالعکس محض فائده در . باشقه
 سویلیه جک اوزون اوزادی به برشی یوقدر .

سلیمان سری بک (یوزغاد) — اقدم ! نافذ بک
 بیوردیلر ، که : عصیانده علاقه دار اولیان بعض معصوم
 کیمسه لر لغرض فاعلک اسناد ایدیلور . بونلری بدایت
 محکمه سنه سوق ایتدیررک ، محکومینه سبیت وریولر .
 بزا کر بوماده بی قبول ایده جک اولورسوق ، بویله بر طاقم
 افسادانه و فغانه محل قلامش بونلور ، دیدیلر . معلوم
 عالیکنز ، خیانت وطنیه قانونک او تبحی ماده سی نافذ بک
 برادر مزک سردایتدیکی مدعیانی تمامیه تأمین ایتشددر .
 اشخاص حقنده لغرض اسناد ایدم بونلنلر اسناد ایتدکلری
 جرمک جزاسیله مجازات اولنورلر . بویله بر جزا ایله
 مجازات اولنه جفنی ییلن مفتزی ، ظن ایتم ، که : دیگر معصوم
 بر شخصه خیانت اسناد ایده بیلسون ! بناء علیه ، مطالعه سی
 غیروارددر . (دوغری صدالری) معلوم عالیکنز او چنجی
 ماده ده « اشبو قانون تاریخ نشردن معتبردر » دنیلیور .
 اکر بر بوماده بی قبول ایده جک اولورسوق ، بوندن صکره
 خیانت ایدنلر حقنلرند . تعقیبات پایله جق کبی ، بر معنا
 چیقار . بناء علیه ؛ بوماده نک ردی لازمدر .

نافذ بک (جانیک) — خایر ، خایر ، خایر اووقت قانون
 رد ایدلمش اولور . اویله شی اولورمی ؟

دوقور عابدین بک (لازستان) — محترم آرقداشلر ! بنده کز
 اساسا (ایشتمه یورز صدالری) تحدید ایدلمش اولان بر
 بلایی اوزریمزه دهها واسع بر مقیاسده یوکلهمک ظن
 ایدیورم ، که : بو خصوصده حقیقه ؛ بر آز دهها اول
 دورانقلتمز لازم کلیور . آرقداشلر ! هر کس مملکتده
 بر برینی فتنه لیور ، هر کس بر برینی اخبار ایدیور . و هر کس
 بوندن دولایی ، متوحش . چوق استرحام ! ایدرم بو قانونه
 نه استقلال محکمه لرینه برسد چکلمش دیمک اوله جقدر ،

نده بشقه درلو سوء تالیق به محل یوقدر . بو کونه قدر
 پاییلانه اصلاح ایدلمش نظریه باقم ! و اونلری بر لطف
 مخصوص اولمق اوزره تمامی تمامنه عفو ایدم ! (آلقیشلر)
 باقیکنز . کرچه بنده کز اساساً دائماً شورش چیقاران
 واک صوکره بلا سنی اولدجه بولان بر مملکتک اولادییم .
 (براو سسلری) صکره سلسلهم هیچ بر وقته قصبه
 یوزی کورمه مشدر . دائماً طاعی ، آنک ایچون دوقتورده اولدم
 فقط ینه بنده در پارچه واردر . (خنده لر) (آلقیشلر)
 سلیمان سری بک (یوزغاد) — شجاعت عرض
 ایدیورسکنز .

عابدین بک (دوامله) — تصدیع ایدیورسه م
 سویله مییم . (دوام صدالری) اونلره بر جوق عفور
 چیقارلمش بر جوق باره لرده بو اوغورده صرف ایدلمشدی .
 فقط ؛ مع الناسف اونلر ، دائماً دیمشدر ، که : حکومت
 بزدن توحش ایتدی . و بزنی سربست بر اقدی .
 فقط ؛ ظن ایدیورم ، که : بو کونکیلر بونی دیمه جکدر .
 اصلاح نفس ایده جکدر . و بونلره بر درس عبرت
 اوله جقدر . بردها مملکت مزده اونه کینک بریکنک فتنه سی
 قالدع جقدر . آرقداشلر ! اک صوگ سوزم ؛ قوچکیری
 هیسته کیدن آرقداشلریمزک بلا وظیفه دونمه لرینه راضی
 دکم . فقط ؛ کاشکدهها اول بوکاداورانه ایدک ! و مملکتده
 بوکی یا قانلمش اولانلری بر دفعهدها صالیوریم . بقالم
 نه اوله جق ؟ عزیزم مقصدیمز متیندر . هیچ بروقته
 بونلر بردها شورش چیقارمه جقدری قاعته مییم .

مفید اقدی (قیرشهر) — کفیل اولورمیسک ؟
 عابدین بک (دوامله) — سفالندن بر جوق انسانلری
 قورتارم . آرقداشلر ! عفو طرفداری مییم . (آلقیشلر)
 عدلیه وکیلی رفیق شوکت بک — اقدم ! برنجی
 ماده ایله محکوملری و مظنونلری عفو ایتدک . ایکنجی
 ماده ایله هر هانکی صورتله اولورسه اولسون ، دولتک نظر
 تحقیق و تعقیبندن قورتیلغه موق اولانلرده بر عفو
 قویسی آچپورز . یعنی اونلر حقنده کی تعقیباتدن فراغت
 ایدیورز . مظنونیت ، موقوفیت و یا محکومیت کبی هر هانکی
 بر تهدید قانونی آلتنده ، هر هانکی بر تهدید جزائی آلتنده

بولنقمسزین شمدي به قدر کنديسني صاقلایه بيلمش
 آدمرك يكیدن حقیق و حیاتی بر مسئله فاعل اصل
 اولدقلمینه و عامل مستقل اولدقلمینه قناعت کتیررسهك،
 بنده كز ظن ایدييورم، که: بونلره قارشى لا قید قالمه نك
 عذاب وجدانیسی بویو کدر. (چوق دوغری صدالری)
 ذاتاً تزویر و افترانك تمامیه علیهنده بولنان ملتزم، خیانت
 وطنیه قانوننك شدتیه متناسب اولمق اوزره، بر قانون
 وضع ایتمش و مفتری علیه اولان ذات قدر مفتریلره جزا
 ویرمکی قبول ایتمشدر. بناءً علیه؛ بونلرك هر هانکی بر
 سبیله افتزایه معروض قاله جقلمی و اسناده معروض
 قاله جقلمی دوشونه رنك، کندي افعال لئیمانه لرینك جزاسز
 بر اقیله جنی قناعتی بکله مشسه، بنده كز بویو کچی احواله معروض
 قالانلرك بر ائلمی حالنده، احکام قانونیه دن استفاده ایتلمی
 موافق بولیورم. (پك دوغری صدالری) اونك ایچون
 محکوملمی عفو، مظلونلمی عفو، شمدي به قدر اوتودلمش
 اولانلمی عفو، بيلمم، که: نه درجه به قدر موافق اولور.
 اونك ایچون بنده كز میدانه چیقان مجرملرك جزاسز
 قالمیه جنی، هیچ اولمازسه افکار عمومیه ده تاثیر اولمی
 ایچون بوماده نك طینی تکلیف ایدرم.

نافذ بك (جانیک) — افندم! رفیق شوكت بك
 افندی به جواب ویره بيلمك ایچون اول امرده شو قانونك
 نشرینه نادن لزوم کورولدیکنی هیئت علیه لرینه خاطر لاتمق
 ایسترم. تصور بیوریکز که: حالاً توقیفخانه ده آز، چوق
 حقنده دلائل الده ایدیه رنك، مظلوناً موقوف بولنان و یا خود
 حقنده دلائل قطعیه موجود اوله رق، محکوم ایدلمش اولان
 کیمسه لمی عفو ایتد کدن صکره، بویو کونه قدر رفیق شوكت
 بك افندی نك بیوردقلمی کچی — صاقلاتمش دکل — کندي
 حقلرنده معامله اولمامش کیمسه لمی عفو ایتمه مك عقل
 و منطقه، حکمت و حقوقه موافق اولاماز. (دوغرو
 صدالری) رفیق شوكت بك افندی شمدي به قدر قانونك
 پنجه سندن کندي صاقلامش دیدیلر. بنده كز بوندن
 بر معنا چیقارایلیم. : حال فرارده بولونمق. حالبوکه :
 حال فرارده بولنانلر بو ماده نك محتویانندن اوزا قدر .
 چونکه : حقنده تعقیبات و تحقیقات پایلمشدر. اکر، که:

اخبارات واقع اولمامش کیمسه لرسه، بنده كز جه حقنده
 اخبارات واقع اولمامش کیمسه لمی عفو ایتمه بویو،
 حقنده دلائل جمع ایدلمش، حکم صادر اولمش کیمسه لمی
 عفو ایتك قدر معناسز برشی تصور ایدرم. یالکز سرى
 نك افندی آرقداشمز برشی قید ایتدیلر؛ اونى تصریح
 ایتك ایسترم. معلوم عالیکنز، قانونده دیور که: شمدي به
 قدر حقلرنده تعقیبات پایلممامش، یعنی شمیدین صو کرا
 پایله جق جرم قانونك مقصدین اوزا قدر. شمیدین
 اولنه معطوفدر. صو کره قانونك آشایسنده ماده کله جك که:
 اشبو قانون تاریخ نشردن معتبردر. دیمك که: شمدي
 کله سی قانونك تاریخ نشری تفسیر ایدییور، اوکام معطوفدر.
 طیبی اوتاریخدن صو کرا اوله جق، جرم قانون داثره سنده
 جرمدر. بویو کمشه عاندر. بناءً علیه تصور لمی وارد
 خاطر دکلدر. صو کرا اقدم! ینه اخطار بویوردیلر، که:
 رفیق شوكت بك افندی ده او نقطه یی قید بویوردیلر.
 مفتریلر حقنده قانونده صراحت کافی وارد. قانونده
 صراحت بویو کون موجود دکلدر. شمدي به قدر موجوددی.
 حتی یالکز خیانت وطنیه قانونی دکل، خیانت وطنیه
 قانونندن مقدم، بالعموم احکام جزاییه ده ماده مخصوصه
 وارد. فقط؛ شمدي به قدر بویو کونه کیمسه تحت محاکمه به
 آلمانمشدر. یارین بریسی بنم حقمده افترا ایدوبده او
 کیمسه نك حبس ایدلمی بنم ضریمی تضمین ایده مز.
 یعنی بویو ضرر مسئله سی موضوع بحث دکلدر. حکومتك
 خلقه قارشى شفقتی و خلقت حکومته قارشى امنیتى
 موضوع بخدر. اونك ایچون، بوماده بو قانونك روح
 اساسیسی تشکیل ایدر. رجا ایدرم! بوماده یی قبول ایدر.
 یکنز. بوماده کیمسه به دو قونماز. آتیا مملکتك حکومت
 حقنده کی امنیتسز لکنی رفع و ازاله ایده جك بر ماده در
 یوقسه هیچ کیمسه نك حقوقی ازاله ایده جك بر ماده
 دکلدر.

رئیس — افندم! سوز آلان داها اوچ آرقداشمز
 وارد. مذاکره نك کفایتی حقنده تقریر وار. مذاکره نك
 کفایتی رایکزه عرض ایدیم. مذاکره یی کافی کورنلر
 لطفاً آل قالدیرسون! (مذاکره کافی کورولدی).

رئيس — تعديلنامه ي نظر دفته آلانلر لطفاً ال
قالديرسون! (قبول صدالري)

افندم! لطفاً اينديريكتز. تعديلنامه ي نظر دفته آلانلر
لطفاً ال قالديرسون! تعديلنامه نظر دفته آلندي.

نافذبك (جانيك) — شو حالده انجمن قبول
ايتمشدر. رايه قونولسون! انجمنه كيتمه سنه لزوم يوقدر.
عيناً اورايه قيد ايدلسون!

رئيس — او حالده ماده شو شكلي آيور. ۲۳
نيسان ۳۳۶ تاريخندن اعتباراً شمدي به قدر حقلرنده
خيانت وطنيه جرمندن دولايي تحقيقات وتمقيبات قانونيه
اجراسنه مباشرت ايدلمه مش اولانلر علمينه آرتق تعقيبات قانونيه
اجرا ايديله مز. بو تعديلات وجهله، يعني اولنه بر فقره
علاوه سي صورتيله ايكنجى ماده ي قبول ايدنلر لطفاً ال
قالديرسون! (قبول ايدلى).

ماده: ۳ — اشبو قانون تاريخ نشرنندن معتبردر.
رئيس — قبول ايدنلر لطفاً ال قالديرسون! (قبول
ايدلى).

ماده: ۴ — اشبو قانونك اجراسنه بويوك ملت
مجلسي رئيسي، عدليه، داخليه و مدافعه مليه و كيللري
مأموردر.

حسين عوني بك (ارضروم) — افندم! بويوك ملت
مجلسي رئيسي قانونك اجراي احكامنه مأموراومش، حالبوكه:
بويوك ملت مجلسنك مأمور اولديني خصوصاتده، مقصد
بويوك ملت مجلسنك شخصيت معنويه سيدر. رئيس دينديكي
زمانده ايسه ياكلشدر. ذاتاً بويوك ملت مجلسي بتون قوا-
تينك اجراسنه اونى مأمور ايتيور كه: بونده ايتسون.
بناء عليه؛ بويوك ملت مجلسي مأموردر، دينلمليدر. اساساً
بك افنديلر! استقلال محكمه لرينك، ديوان حربلر
خيانت وطنيه صورتيله، رؤيت ايتدكلري دعوالر بويوك ملت
مجلسنك ويرديكي صلاحيته بناءدر. يوقسه ديوان حربلر
بويه بر صلاحيتي يوقدر. بناء عليه بتون بونلر بويوك
ملت مجلسنك ويرمش اولديني صلاحيتلره مبتيدر.
مأموريتلرده دوغريدن دوغريده بويوك ملت مجلسنك
شخصيت معنويه سنه عاندر. ديكلرلى فضلدر. بويوك

ايكنجى ماده حقنده ايكي تقرير وار. بريسي حسين
عوني بك، ديكرى يوزغاد مبعوثي سليمان سرى بك.
سليمان سرى بك ماده نك طيني تكليف ايديور. حسين
عوني بك فقره آتیه نك علاوه سنى تكليف ايديور.

رياست جليله
ايكنجى ماده نك باش طرفه فقره آتیه نك علاوه سنى تكليف ايدرم
ماده ۲۳ — ۲۳ نيسان ۳۳۶ تاريخندن اعتباراً شمدي به قدر..
الى اخره
ارضروم
حسين عوني

اولا سليمان سرى بك تقريرى رايكزه عرض
ايده جكم.

رياست جليله
بركمسه به خيانت وطنيه اسناد ايدن شخص يرينه خيانت
وطنيه قانونيله اسناد وافترا سندن دولايي عين قانون وجهله تجزيه
ايديليو. بناء عليه؛ بوماده نك قبولي حالده في مابعد ارتكاب خيانت
ايده جكارك تجزيه ايديله جكارى كى بر معنا آكلاشليور. بوماده نك
طيني تكليف ايدرم
يوزغاد
سليمان سرى

رئيس — بو طي تكليفنى قبول ايدنلر لطفاً ال قالديرسون!
(قبول ايدلمه مشدر). ايكنجى ماده نك اولنه بر فقره
علاوه سي، كه: حسين عوني بك تعديلنامه سيدر. نظر
اعتباره آلانلر لطفاً ال قالديرسون!..

حسين عوني بك (ارضروم) — مساعده بويورك،
افندم! بر مهم نقطه وار. افندم يارين بوندن استفاده
ايدرك، مملكتتمزه صوقيله جق آدملر واردر. معلوم
تاليكز در كه: اولجه مجرم اولانلر مملكتتمزه كيره ميورلردى.
شمدي بونلر بوماده دن استفاده ايدرك، مملكتتمزه
صوقيله جقلردر. اسملرينك بوراده ذكرى مناسب
كورمه يورم. بوماده هر حالده ازمدر.

سليمان سرى بك (يوزغاد) — شو حالده؛ بوماده نك
لزومى يوقدر.

رئيس — نافذبك! انجمن نامه ايضاحات ويره جكميسكز؟
نافذبك (جانيك) — وارد دكلدر. ذاتاً شمدي به
قدر صوقوليانلر حقنده تحقيقات ياپيلمشدر. اونلر
حكومتجه معلوم اولان كيمسه لردر. ذاتاً برنجي ماده ده
استنا ايدلمشدر دنيليور.

وبوقانونك اجراسنه مأمور ايدلسی لازمدر . (مذاکره کافي سسلری) (رأیه صدالری)

حسین عونی بك (ارضروم) — افندم ! خیانت وطنیه قانونی وبوکا مائل قانونلر یاپیلیرکن ، بونك اجرایی بویوك ملت مجلسنه عأددر دنیلمشدر . بوده اونك متممیدر وکیللره کلنجه : اساساً وکیللر بویوك ملت مجلسنك وکیللر ایدر . بوخصوصده اجرای وکالت ایدرلر . بویوك ملت مجلسی نامنه ، عدلیه وکالتی نامنه دکل . حبسـخانهلر بویوك ملت مجلسنك حبسـخانه سیدر . یوقسه بزده قاینه اصولی دکلدر . قلبکزه برشی گلسون ! بویوك ملت مجلسی اجرا صلاحیتنی حأزردر . ووکیللری ایله یاپیدرر . بناء علیه ؛ بوراده بویوك ملت مجلسی طرفندن اجرا اولنور ، دیندیگی زمانینه وکیللر یابه جقدر . یاقق دولایسیله دکل افندم . بو صورتله تقریر ویردم ؛ قبولنی تسکلیف ایدرم .

ریاست جلیلیه

دردنجی ماده نك شووجهله تعدیلنی تسکلیف ایدرم

اشبو قانون بویوك ملت مجلسی طرفندن اجرا اولنور .

ارضروم مبعوث

حسین عونی

رفیق شوکت بك (عدلیه وکیلی) — افندم ! تشکیلات اساسیه قانونه بو تقریر تمامیله مخالفت تشکیل ایدر . بویوك ملت مجلسی کندیسنه عأد وظائفی وکیللری واسطه سیله اجرا ایدر دیه صراحت وارکن ، بویوك ملت مجلسی اجرا ایدر دیمک نه دیمک ؛ بن بونی آکلامادم . حسین عونی بك (ارضروم) — بونك امثالی بك چوقدره مجلس قانونلری بویوك ملت مجلسی کندی یاپار . کندیسی اجرا ایدر . فقط ؛ وکیللری واسطه سیله ..

رئیس — انجمنك مطالعه سی واری افندم ! [مذاکره کافي صدالری] افندم ! بو تعدیلنامه بی نظر اعتباره آلانلر لطفاً اللرینی قالدیرسون ! لطفاً اللریکنزی ایندیریکنز ! نظر دفته آلیانلر آل قالدیرسون ! لطفاً ایندیریکنز ! حیدر بك (کوتاهیه) — بونده ترددیوق افندم ! رئیس — افندم ! ذات عالیکنزده ترددیوق اما بنده وار . بو تعدیلنامه بی نظر مطالعه یه آلانلر لطفاً آیاعه

ملت مجلسی مأموردر . دیگر وکالتلری قالدیرمق ، یزینه بویوك ملت مجلسی بوکا مأموردر . دیه علاوه سنی تسکلیف ایدرم (بك موافق صدالری)

سلیمان سری بك (یوزغاد) — تحقیقاتی عدلیه وکیلی یابه جقدر .

نافذبك (جانیک) — اونقطه قانونك تطبیقنه عأد برکیفیتدر . بنده کزجه حأز اهمیت دکلدر . مع مافیله قانون شکل مخصوصنده یعنی ، کندیسنه لایق اولور بر شکلده چیقماسی لازمدر . معلوم عالیلریدرکه بویوك ملت مجلسنك مقرراتی ایفا وانفاذه بویوك ملت مجلسنك رئیس مأموردر . بویوك ملت مجلسنك هیئت عمومییه سی هیچ بروقت قانونك ...

احسان بك (جبل برهکت) — یونان اردوسنه التحاقه عثمانلی اردوسنه قارشی حرب ایتمک صورتیله فعلاً آخانت وطنیه ده بونانلر دمی عفو اولنور ؟ (خایر خایر سسلری) (کورولتیلر)

نافذبك (جانیک) — بویوك ملت مجلسنك مقرراتی بویوك ملت مجلسی رئیس انفاذ ایدر . بناء علیه اونك ایچون بویوك ملت مجلسی رئیس کلمه سی قونمشدر . بنده کزجه دوغر ایدر .

لطفی بك (ملاطیه) — اولجه برچسوق قانونلر یاپیلمش ..

نافذبك (جانیک) — مساعده بیوریکنز ! اوت ! بنجه باس یوقدره فقط ؛ بزجه مرجح اولان بویوك ملت مجلسی رئیسدر . وکالتلره کلنجه ، معلوم عالیکنز ، دیوان حربلر وارددر . ماده نك بالاسنده دیوان حربلرک ویرمش اولدیغنی حکملر دییوروز . بعض یرلرده دیوان حرب مضمون و محکوملری وارددر . اونك ایچون مدافعه ملیه وکیلی مأموردر دینلمک شرطدر . صوکره افندم ! بعض یرلرده دوغریدن دوغری یه بدایت محاکمی باقیبور . بونلرایسه عدلیه وکالتنسه مربوطدر . و بدایت محاکمک ویردیگی حکملری مدعی عمومی افندی انفاذ ایدر . بناء علیه مدعی عمومیله امر ویرمک و جواب آله جق عدلیه وکیلدر . بناء علیه وکیلینکده اسمی ذکر ایدلسی

قالتسون! (نظر دفته آندی) شو حالده دردنجی ماده شو شکلی آلیور .

ماده ۴ -- اشبو قانون بیوک ملت مجلسی طرفندن اجرا اولنور .

رئیس -- قانونک مذاکره سی ختام بولدی .

صالح الدین بك (مرسین) اجرا سنه مأمورد .

رئیس -- قانونک مذاکره سی ختام بولدی مستعجلیت

قراری اینک تکلیف آنده قبول ایدلمشدی . هیئت عمومی سنک تعیین اسامی ایله رایه وضعی حقهده ایکی دانه تقریر وارد . تعیین اسامی ایله راییکزه (کورولتیلر) عرض ایدیورم . قبول ایدنلر بیاض ایتمه نلر قیومزی اولوق اوزره راییکزی وریکزی اقدم !

رفیق شوکت بك (عدلیه وکیلی) -- هیئت عمومی سی

حقهده معروضاتده بولنه جقم .

رئیس -- اقدم ! هیئت عمومی سی رایه وضع ایدلمزدن

اول عدلیه وکیلی سوز ایسته یور .

رفیق شوکت بك (عدلیه وکیلی) -- طبیعی هیئت

عمومی سی حقهده رایه قومزدن اول بر نقطه یه نظر

عالیکزی جلب ایتمک ایسترم . اگر بو قانون مستعجلیت

قراریله موقع مذاکره ده اولماسه یدی بوقدر استعجال ایتمز

بوکاده لزوم کورمزد . ایکنجی مذاکره ده تعدیل ایچون

فکریمی عرض ایدرم . اقدم اولابرنجی ماده ده تعییرات

یا کشلخی وارد . هیئت علیه کزدن چیقان قانون تعییرات

یا کشلخیله چیقماسون اونو بنده کز عرض ایده جکم .

اشبو افعال ، دیورلر ، افعالک معطوف علیهی خیانت وطنیه در

بنده کزده سوز ایسته مشدم . مختلف درجه تحصیل بولنان

بر مجلسک لندن چیقان قانونده بویه شی اولمالیدر .

برنجی نقطه نظرم بودر . ایکنجی نقطه نظر مده قبول

ایتدیکنز ماده موجبنه ، اک صولق فقره نک بنده کزجه

حاصل ایتدیکی قناعتی عرض ایده جکم . تبلیغاتمه اساس

اونسون ! اختلاس ورشوت ایدرک دیور . ورشوت و

اختلاس تعییری سقطدر . اختلاس ورشوت اخذیله دولتک

قوای ماده و معنویه سی تنقیص ایتمش اولانلر عضودن

مستشاره ، قیدی وار . بنده کز آکلا یورم که : دولتک قوای

ماده و معنویه سی تنقیص ایتمکله محکوم و مظنون اولانلر ده عفودن استفاده ایده جکرمی ؟ (خایر ، خایر صدالری) مثلاً : بر مثال سویلیم . مثلاً : مساعاً شقاوت و قطع طریقندن دولایی دولتک قوای ماده و معنویه سی تنقیص ایتمکله مظنون اولان بر کیسه استقلال محکمه سنه کیتمش و محکوم اولمشه ، بو عفودن اوده استفاده ایده جکمیدر ؟ (خایر ، خایر صدالری)

سلیان سری بك (یوزغاد) -- وکیل بك لطفاً شونی ده صوریکز ! باشنده بر طاقم اشقیایله دولتک آلتش بیک لیراسنی غصب ایدن حریفده استفاده ایده جکمیدر ؟

رفیق شوکت بك (دوامله) -- بنده کز عدلیه

وکیلکز اولوق دولایسیله ، بتون محکوم و مظنونلر عدلیه

وکلتنک امرنده بولوندیجی ایچون ، بو قانونی انفاذ ایدرکن ،

واضع قانون اولان هیئتک قناعت نایسته سنه مالک اولمقلم

لازمدر . بناء عمایه ؛ بو افادتمک ماده نک تعدیلی شککنده

دکل ، هنوز صورت قطعیه ده قراری اکتساب ایتمین بو

قانونک صورت تلقیسی حقهده فکر آلمق ایسته یورم .

حسین عونی بك (ارضروم) -- ماده قبول اولونمشدر

بونظامنامه یی اخلا لدر .

موسی کاظم افندی (قونیه) -- ماده قانونیه صریح

و واضح . بو و یا خود شو داخلی دکل دیه صوریه مز . بو

واضحدر . مسئله ، تیشیدر ، قانون قبول ایدلمشدر .

عدلیه وکیلی بك -- ناصل واضحدر اقدم ؟

یوسف ضیابك (بتلیس) -- رئیس بك ! رجا ایدرم !

تفسیر ایتمه لم .

موسی کاظم افندی (قونیه) -- تطبیقاتده بر مشکلات

کوررسه قانونک تفسیری ایچون صوکره سزه یازار .

(کورولتیلر)

عدلیه وکیلی بك -- رجا ایدرم اقدم . بو اویله

بر مسئله که : هنوز طاونده در . حل اولونمازسه بوندن

استفاده ایتمک لازمکان .

نافذ بك (جانیک) -- رئیس بك انجمنک شخصنه

دوقونمشدر ، تجاوز ایدلمشدر . جواب ویره جکم .

موسی کاظم افندی (قونیه) -- اقدم ماده قانونیه

نافذ بك (جانيك) — انجمن وکیل بلك سوزلرني
كنديسنه تجاوز تلقى ايدر .

رئيس — مطالعه ، قانونی يارد ايدرم يا خود قبول
ايدرم يولنده اولوردي .


رفیق شوکت بك (عدليه وکيلي) — اقدم ! سوز
ويرمديکنز. برنجی ماده ده بنده کز سويلسه ايدم بو (افعال)
کله سنی مجلس دوزلتيردي . (کورولتيلر)

نافذ بك (جانيك) — انجمن عدليه وکيلي بلك
بياناتی تجاوز عد ايدر ، جواب ويرمک ايستم .

رئيس — اقدم ! انجمنه تجاوز شکنده بر شي يوقدر .
قانونی قبول ايدنلر بياض ، ايمه نلر قيرمزي آته جقدر .

آرا تصنيف ايديلنجيه قدر بش دقيقه تنفس .
۴،۵۰ ساعت

قبول ايدلمشدر . قبول ايديلن مواد حقنده سوز سويله مکه
نه بر مبعوثک ونه ده بر وکیلک صلاحیتی واردر . قانون
مهم قالمش ايسه ، محتاج ايضاح ايسه ، تطيقاتنده بر نقصان
کورورسه عدليه وکيلي ايجابنده مجلسدن صورار. مجلس
تفسير ايدر . هنوز قبول ايديلن قانون حقنده هيچ
کيمسه نك سوز سويله مکه حقی يوقدر . (رایه صدالری)
رئيس — اقدم ! قانونک هيئت عموميه سی قبول
ايدلنزدن اول — تعديل شکنده دکل — قبول ايتديرمک
ويا خود رد ايتديرمک يولنده سوز سويلنه بيلير . بو
مطالعه يه مبنی عدليه وکيلي بکه سوز ويردم . فقط ؟ عدليه
وکيلي بلك سوزلری ماده لر اوزرنده تعديلاته منحصر
قالدی . اکر تعديلات ويا تفسيره تابع اوله جفنی مقام
رياست بيلسه يدي ، بلکه سوز ويرمزدی .




۱۲۹ اجتماع — اوچنجی جلسه

رئيس : برنجی رئيس وکيلي حسن فهمی بك افندی

کاتب : محمود سعيد بك (موش)

۱۷ کانون اول ۳۳۷ ۴ جمعه ايرتسی ۴ ساعت .



قالمامق و معامله من تکرر ايمه مک ايچون — بوندن صکره
مستکف اشارتی قويسونلر ، يالکز له و عليه رأينه اشتراك
ايمه مکه — که او مستکفدر — رأی ويرمه من لک ايديبورلر .
بناءً عليه ؛ في مابعد ، رأی معامله لر من بويه جريان ايتسه
اوقدر زمان غائب ايمه يز .

افندم ! ديگر بر قانونک مذا کره سنه کچه لمی ؛ يوقسه
وقت کچی ؛ (وقت کچ صدالری) او حالده بازار ايرتسی
کونی ؛ موجود روز نامه مزه شورای اوقاف تشکيلي حقنده کی
قانونی ده علاوه ايدرک ، دقت ايدک آرقداشلر ! — ساعت
برده اجتماع ايتک اوزره مذا کره بی تعطيل ايديبورم .

ساعت : ۵،۵

رئيس — جلسه کشاد ايدلدی . اقدم ! عفو قانونک
نتیجه مذا کره سنده (۹۶) قبول ، (۳۰) رد ، (۶) مستکف
رأی اعطا ايدن ذوات (۱۳۲) اولديغنه کوره ، معامله
نا تمامدر . يابوقلمه ايله ويا خود رأی علنی ايله رأيه وضع
ايدلمک لازم کليز . فقط ؛ رأی علنيلرده بر دفعه نصاب
بولمازسه تکرار اوکون ، او جلسده رأيه وضع ايدلنز .
جلسه آتیه به تعلیق — نظامنامه داخلیمز موجبجه —
لازم کليز . يالکز رفقانک نظر دقته برشی عرض ايدو حکم ، که :
مجلس ؛ دائماً اکثریت و نصاب مذا کره موجود اولدقدن
صکره کشاد ايديبور . مستکف قالان رفقا (مستکف)
ديه رأی ويرميورلر . لهنده وعلهنده بولمايانلر — که : استکفاف
بر حقدر . بونی قانون بخش ايتمشدر . معامله من نا تمام

